

# أجمل شموع

زجل

مدح المغاوري على



بطاقة فهرسة  
فهرست أثناء النشر  
إعداد الهيئة العامة لدار الكتب والوثائق القومية  
إدارة الشئون الفنية

المغاوى ، مدحي  
أجل شموع ( زجل )  
مدحي المغاوى

الطبعة : الأولى  
الناشر : دار الإسلام للطباعة والنشر المنصورة  
٢٠٠٦

المقاس : ١٤,٥ × ٢١ سم

الصفحات : ٧٧ صفحة

ترقيم دولي : 977-374-165-6

رقم الإيداع : ٢٠٠٦ / ٥٠١٩

## إهداء :

أهدي كلامي لأبوي الغالي  
وأهديه برضه لأمي الغالية  
تعبوا لراحتي وسهروا ليالي  
لازم أشيلهم جووه عنيه  
أما ولادي ويا أخواتي  
بالنسبة لي الهواء والميه  
وأهدي ديواني للست مراتي  
ومعاه مني ألف تحيه  
واللى ساعدني بنشر ديواني  
بالتعظيم أرفع له ايديه  
واللى هيقراه من خلاني  
ياخد مني نسخه هديه

مدحى المغاورى على



## تقديم

فن الزجل .. فن أني .. أي إنه الفن الذى يتعامل مع الأحداث وقت حدوثها أو عقب حدوثها مباشرة .

ويعتمد فن الزجل على الخطاب المباشر والعبارات البسيطة السهلة ويعتبر فن الزجل من أهم الفنون إن لم يكن أهمها فعلا وذلك لأنه يخاطب أكبر قدر من الجمهور حول حدث ما فى أثناء حدوثه . فيثير عندهم الإحساس بالفخر أو الحماسة أو التعجب أو السخرية أو القبول أو الرفض .

وهو سرعان ما ينتشر بين الناس كإنتشار النار فى الهشيم وذلك لأنه يحتوي على الموسيقى الداخلية المتمثلة فى تناسق العبارات والموسيقى الخارجية المتمثلة فى الوزن والقافية . وبين أيدينا ديوان من الزجل يسمى ( أجمل شموع ) للزجال مدحي المغاورى .

وعند قراءتنا لهذا الديوان يتبين لنا أن صاحبه يعيش حياة فطرية بسيطة يستمتع فيها بنعمة الحياة رغم قسوتها . فهو

يشعر بالسعادة فى حياته لأنه راض بما قسم الله له ينظر  
دائما إلى نصف الكوب المملوء ويظهر ذلك واضحا فى قصيدة  
أجمل شموع .. وهي عنوان ديوانه التى كتبها فى عيد ميلاد  
زوجته والتى يعترف فيها أن زوجته هي مصدر سعادته فى  
الحياة وأن الرباط الأسرى يجعل من الصعب سهل فهو دائما  
يرى فيها الجانب المشرق . فيقول :  
عيد ميلادك يا حبيبتي

صدقيني أحلى عيد

لو حضرتي ولا غبتي

حبى ليكي فى الوريد

لو وهبتى أو بخلتي

راضى منتهى وسعيد

لو عطيتي أو أخذتي

حبى يوم عن يوم يزيد

ويستطرد موضعا فضلها عليه وأنها كثيرا ما تفتح له باب  
الأمل بعد ما يصيبه اليأس وتمهد له الطريق وتعينه على  
مواجهة الصعاب حتى يلين الحديد بين يديه .  
فهو فى هذه القصيدة يقول لنا إن الحياة البسيطة القائمة  
على الرضا لها متعتها التى تفوق بكثير متعة الحياة المادية

القائمة على الخداع والغش . لها بريق مبهج فوق قناعها  
ولكنها جافة مقلقة من تحته .

وفى قصيدة ( ضياء ) يظهر واضحا الترابط الأسرى  
والحميمية الوثيقة بين أفراد الأسرة والحب المتناهي فيرى اليوم  
الذى مرض فيه ابنه أطول عليه من كل عمره . ولا يهدأ له بال  
الا عندما يتماثل ابنه للشفاء فيقول :  
ربى استرها وهاتها بخير

وخللى فى قلبى إيمان وثبات  
أنا لسه الجرح فى قلبى كبير

خايف الدمه فى عيني تبات  
وفى قصيدة ألف خساره ينتقد السلبية الموجودة فى  
المجتمع فيقول :  
ألف خساره عليك يا بلدنا

أما الكل يقول : أنا مالى  
يبقى إزاي هنربى ولادنا

ونخليهم مستوي <sup>عالمى</sup>  
ويستمر كذلك فى نقد السلبيات الموجودة فى المجتمع فى  
قصائد عتاب ، صحي ضميرك - إصلاح - مصلحة حكومية  
، اللى يجرى - حقد القلوب - وباقى قصائد الديوان .

معظم القصائد مبنية على بحر الزجل المتوالد من بحر  
المتدارك الذي تحولت تفعيلته من ( فاعلن ) إلى ( فعلن ) .  
وبهذا أقول أن هذا الديوان يحتوي على مادة زجلية ترقى  
إلى مستوى الفن الزجلي مع تلافى الهنات العروضية .

أ/ علي نظير هويدي  
ناقد / زجال  
عضو رابطة الزجالين  
وكتاب الأغاني بجمهورية مصر العربية



أَجْمَلُ شَمْعٍ

لَجَلٍ

مَدْحُ الْمَغَاوِرِ عَلَى

## عتاب

اعتب عليك يا زمن	ولا على الأحياء
عاش فيهم وشجن	ما بين قلم وكتاب
عندى الكلام يتوزن	والنحو عندي حساب
قابلت كثير خلان	سمعوني ساعة تأليف
قالوا لي يا أبو فلان	الشعر جميل ولطيف
وانت في كل مكان	غني عن التعريف

قريت كثير فى الكتب	وكتبت كثير أوزان
ولكل بيت انتسب	طمعان فى طبع ديوان
بعينى شوقت العنب	قالولى ده رمان
قدمت بشوق أعمالى	علشان للخلق تظهر
وسهرت أهد الليالى	والعقل سارح يفكر
وسبحت أنا فى خيالى	وأملى عمال بيكبر
من بحر المتدارك	والوافر والسريع
قالوا استنى دورك	وكن هادي ومطيع
أنت مكنز بحورك	ومغرق الجميع
بعد فتره الألقى	اتنسلى دورى وراح
أما لعبد الباقي	أوجابر أو صلاح
ويضيع كل اشتياقى	للشهرة والنجاح

## صحي ضميرك

أصحى يا عم وصحي ضميرك  
ليه بتغالط نفسك ليه  
ليه بتحب تصرفى غيرك  
ليه هـ ينوبك من ده إيه  
ليه فى الشريكون تفكيرك  
أوعي الشر يمد أيديه  
خللى الصدق يغير سيرك  
أصل الصدق ينجى يا بيه  
لو تراعيننا يكثر خيرك  
ندعي المولى يبارك فيه

قول وحياتك يا ابا شمنهندس  
ياللى جهودك فى المعمار  
أعرف عملك والله كويس  
خليك عاقل م الشطار  
أصل الرشوه بريقتها بيهوس  
خلت عقلنا فيها أحتار  
تاخذ الرشوه تبقى منعوس  
تقضى علينا كبار وصغار  
قيس بضميرك خليه ريس  
خليه صاحي ليل ونهار  
وانت كمان يا باشدكتور  
ياللى مات برضه ضميرك  
المذكوم بتقول مكسور  
وتسخن له قوام مساميرك  
عايز تبقى صحيح مشهور  
أوعي تقصقص فى جناح طيرك

أما الكشف يكون بالدور  
عمر زباينك ما تعرف غيرك  
وارحم اللي يكون معذور  
وكفايه دعوه وكتر خيرك

انت كمان يا أستاذ قوللى  
ليه الاسم كأنه كابوس  
هو ضميرك مات فى تروللى  
والتعليم أصبح متعوس  
عمر ما قلت بلاش أو جल्ली  
كل شقانا واخده دروس  
صبح العقل معاك تراللى  
لما العلم يساوي فلوس  
صحي ضميرك وابقى تملى  
راعى دعوة المنحوس

## ألف خسارة

ألف خساره عليك يا بلدنا  
أما الكل يقول : أنا مالى  
يبقى إزاي هنربى ولادنا  
ونخليهم مستوي علكى  
ألف خسارة  
ليه الأب يبقى موالس  
ويسيب ابنه يسهر بـره  
تلقى الابن يمشى يعاكس  
وكم ان أخته تقول أنا حره  
ألف خسارة

أما البنيت تفرغ عينها  
وماتعملش حساب لعيلتها  
الحركات كلنا عارفينا  
ويتشجيع الست مامتها  
ألف خسارة  
موش بالذمة دي تبقى مصيبة  
أكبر منها مش هنلاقى  
أما الخيبة تعبى زكيه  
تاخذ منها يزيد الباقي  
ألف خسارة  
حاجه تخللى العقل فى تومه  
كل حياتنا صبحت موضه  
كلمة حق معايا قولوها  
قبل ما تبقى حياة مرفوضه  
ألف خسارة



أما المشكلة تبقى بسيطة  
تكبر ليه ونسيبها تزيد  
ليه فى الشتا نليس برنيطة  
للخوجات نازلين تقليد  
ألف خسارة  
شوفوا يا ناس الفضائيات  
بتدس لنا سموم فى عسلنا  
هي هدفها نكون خواجات  
وتلخبطنا وتلغي عقولنا  
ألف خسارة  
أما سكوتي يسبب موتي  
يبقى الموت أفضل وأحق  
للأوضاع دي هأرفع صوتي  
ولالأخطاء دي الفين لا  
ألف خسارة

## عيد الشرطة

بكل حروف الكلام	اكتب وأسطر سطور
وأضرب تعظيم سلام	لكل جندي غيور
مصرى وع الدوام	حامي ديارنا جسور
فارس مقدام همام	لا يهمله نار ولا سور
إرجع للذكري تاني	ليوم خمسه وعشرين
ذكرى هزت كياني	ع الشهداء السابقين
حسيت وانا فى مكاني	بالحب شمال ويمين

وسمعت كثير أغاني	م الشعراء المبهـورين
با أحي كل الجنود	اللى فى سلاح الشرطه
حامين كل الحدود	متوزعين ع الخارطه
واقفين لأي لدود	مهما أن زاد وغطى
شادين على الزنود	واعيين لأي غلطه
يا كل شرطي نبيل	لك منا ألف تحيه
أنت حر وأصيل	يا بو العزيمه قويه
سهران لعمانا الليل	وده فضل من الداخليه
عيدك دائما يا جميل	مع عيدنا ف الاسماعيليه
وأحي كل شهيد	ضحى بحياته فداكي
وأقول لكل وليد	يبني العلى لرضاكي
والايـد تشد الأيـد	للمجد فى ذكراكى
وعهدي ليكي نشيد	أحفظ ارضك وسماكي

## إصلاح وتهذيب

مش فلسفه ولا هي نباهه  
الحكايات اللي أنا ما أحكيها  
خدها بثقه وبكل نزاهه  
عايز أعرف رأيك فيها  
بس إياك تحسبها فكاهه  
ناوي أسلى وقتك بيها  
رأيك إيه فى المنحرفين  
اللى أملنا نرتاح منهم  
إن ما عادوش لله تايبين  
يبقى لابد ينالوا مصيرهم

نفسى يكونوا متواجدين  
يوم فى طابور العيش مع غيرهم  
مجرم قاضى كل حياته  
فارد نفسه على المساكين  
لما يعد معانا ساعاته  
وما يعرفش ياخذ رغفين  
يبقى ساعتها يعرف ذاته  
يموت بالحسره على نوبتين  
كل يوم الناس تتأخر  
عن مصالحها عشان رغفين  
صاحب الفرن يشخط ينطر  
ومعاه مفتش التموين  
مش صاحبنا قوام يتأثر  
يتجنن وفى غمضة عين

ايه رأيك لو مخرج سيما  
ييجى عند الفرن يصور  
يعمل فيلم عليه قيمه  
ولأحوالنا أكيد هيعبر  
ونبان فعلا أمه عظيمه  
على أوجاعها تقدر تصبر  
با إرادتنا السما من طولها  
والكوسه نفرقتها زيب  
عايز كلمه حق نقولها  
مش الفرن أفضل تعذيب  
أيوه الفرن أفضل تعذيب

## يوم الهجرة

كل يوم بيعدى بخير

يبقى حقيقى فرحه وعيد

لكن عندي الفرق كبير

بين اليوم ده وغيره اكيد

علشان هو يوم الهجرة

أجمل عبره فى الأيام

أجمل فرحه أجمل ذكرى

ونقول فيها أحلى كلام

لما الوحي يا خلق اتاه  
أول مره كان فى الغار  
قال له أقرأ بسم الله  
واعبد ربك ليلا ونهار

ادعي حبايبك للإسلام  
خللى الدعوه تكون فى السر  
وكفايه عبادة أصنام  
لاهي بتفيدهم ولا بتضر  
وجه الأمر بجهر الدعوة  
علشان ينشر الإسلام  
المصطفى كان هو القدوة  
بأمر الواحد العالم



داق المروشاف الويل  
قاسى ياما كثير واتعذب  
جاله الأمر فى نص الليل  
انه يهاجر ويروح يشرب

نام فى فراشه إمام وحبیب  
والكفار واققين يستنوا  
لما الفجر يشق الغيب  
يضربوا ضربتهم يتهنوا

لكن رب الكون ده عظیم  
عدي ما بينهم ولا شفوش  
مش راح ينصر أي لئيم  
رش الرملة ولا حسوش

استقبله فوق الوصف

علشان هورسول الله

الغنا والأناشيد والدف

وطلع البدر علينا غناه

## مصلحة حكومية

معروف من بعيد

دائما عير الورد

وبلمسة بكف الأيد

بيكون فوق الحد

بيقولوا فى الأمثال

عن مثل كله خير

لودبل الورد يا خال

برضه فيه العير

ففى مصلحة حكومية  
أعرفها يا ناس كويس  
الضمير ميه ميه  
م الموظف حتى الرئيس  
الكل فى وقت العمل  
شغال ومراعي ضميره  
ما فيش فى الحق خجل  
ولا حد يغير سيره  
الدرج ما يعرف رشوة  
ولا حتى أي جيوب  
وتلاقى لأي خطوة  
إفادة مع المظلوم

حقيقى أنا فرحان  
من المصلحة دي بالذات  
با أقول وياريت يا اخوان  
نكافئهم بالشهادات  
معايا يا ناس أدعولهم  
بالصحة كمان والعافية  
ويكثر من أمثالهم  
فى كل جهة حكومية

## تحوّلات

سنين وشهور رحال	شريت عذاب وقاسيت
ورجعت بشوق ووصال	أبحث عن حضن البيت
وتعبت تعبتي يا خال	ولاقلت إلاه وشكيت
الصبر ان فاتني وطال	لا أندم ولا أقول يا ريت
وارتاحت من الترحال	وبشوق وحنين غنيت
وجمعت يا ناسم القوم	خلان كثير وأصحاب

وقلت محبة تدوم	وتفرع كاللبلاب
ويمر علينا اليوم	أحلى من أي شراب
وإن جه في سمانا غيوم	هتمر كأي سحب
والحق قد يكون معدوم	ونعيش أخوه وأحباب
ويمر علينا زمان	الكل كأنه ملاك
عاشين في سلام وأمان	بالروح يقولوا فداك
راح داخل بيننا شيطان	خلى الورود أشواك
اتخنقت من الدخان	حييت أفتح شباك
فقالولى مالاكش مكان	روح يالله وسك وراك

## أجمل شموع

عيد ميلادك يا حبيبتي  
صدقيني أحلى عيد  
لو حضرتي ولا غبتي  
حبي ليكي في الوريد  
لو وهبتني أو بخلتي  
راضى متني وسعيد  
لو عطيتني أو أخذتي  
حبي يوم عن يوم يزيد  
يكفي إنك فضل منك  
بالهناء مد لي أيدي



كأما زرعته لى الأمل  
إنى أعيش من جديد  
بعد ما صابني الملل  
وكننت فى عيشتى وحيد  
واحترت ايه بس العمل  
والحزن يجرى فى الوريد  
لحد ما حالى اتعدل  
بيكي ولان لى الحديد  
والبدر نور واكتمل  
ونلت كل أمل بعيد  
صبحت الرسايل بين القلوب  
عبر الهوى لا بالبريد  
ظهرت الشمس بعد الغروب  
ويلهب الشمس داب الجليد  
يا سلام يا قدر بقى مكتوب  
يا وطن وعاد لك الشريد

ولعيد ميلادك المحبوب  
لابد الزينه تكون عناقيد  
قلبي يرقص ويكون طروب  
وأجمل شموع لأجلك تقيد

## توشكي تنادي

أول ما أبدا كلامي  
اسمي بسم الله  
وأصلي على التهامي  
إبن عبد الله  
ورغم قلّة علامي  
كلامي له معناه  
جمع اليمني والشامي  
والناس كلها سامعاه  
الحلم خلاص وأتفسر  
مع بث التلفزيون  
أبو عقل كبير بيفكر  
وخطابه كان مضمون

قال لازم فوراً نحفر  
وده شئ لابد يكون  
علشان نزرع ونحضر  
الصـحراء والكـردون

وكم ان نصنع ونصدر  
وانتاجنا يلف الكون  
وتوشكى ندمت وقالت  
تعالوا يا كل حبايبي  
الهمه عليكم بانتم  
واشتاقت لكم بقلبي  
خليتوا دموعي سالت  
عليكم ما اقدرش اخبي  
م الفرحة كمان وجابت  
الخير من شرقي وغربي

تعالى يا بورسعيدي  
ومعالك ابن السلولوم  
وسويسى ويارشيدي  
ومعاكم ابن الفيوم  
وكمانيجي الصعيدي  
لو تعرف وانت سيدي  
كسلنا مالهش لزوم  
مدوا ايديكم فايدي  
علشان ننهض ونقوم

## ضياء

ربى استرها وهاتها بخير  
وخللى فى قلبى إيمان وثبات  
أنا لسه الجرح فى قلبى كبير  
خايف الدمعه فى عيني تبات  
عاوز اليوم بسرعه يعدي  
زي ما عدي العمروفات  
أحفظ لى أعز ما عندي  
كفاية يا رب عذاب وأهات  
عايز الشفاء لضياء أبني  
أنا ماليش غير كده طلبات

عدي اليوم وبقينا العصر  
وضاضا حرارته ارتفعت جدا  
قلت خلاص احتكم الأمر  
ولقيت قلبي رايح يحزن  
عيني تشوفه تقول ه يروح  
وقلبي يقول لي فعلا فعلا  
وأنا زعلان لحبيب الروح  
رايح جاي في قلب المسكن  
قلت مضحي بأعلى ما عندي  
حتى بعمر<sup>ك</sup>كفريا ناس إن امكن  
لقيت نفسي اختارت يا ناس  
لأمر ضياء اختار فكري  
الهم جاني بكل حماس  
وف كياني ابتدا يسرى  
الدنيا ما تسوى بكل مافيها  
في غياب لحظة لحبيب عمري  
جاتني فكرة كنت ناسيها  
جاتني بسرعة من غير ما أدري

قلت ما فيش دكتور لضياء  
غير دكتورنا حفيد المسرى

أخذت ضياء فى لحظة وصلت  
اتكلمت بسرعة ولهفة  
قال من غير ما تقول لى فهمت  
هذي نفسك وبلاش رجفة  
كشف على ضاضا والله بسرعة  
وعطاه إبراه بايده الخفية  
أنا حسيت باضاءة شمعة  
ابتسامته باننت ع الشفة  
قال ما مدحي طمن نفسك  
إن شاء الله هيروق ويشفى

يوم والتاني بعد علاج  
شفت بعيني جمال النور  
ضياء أصبح موش محتاج  
يعيد من تاني نفس الدور



الصحة صبحت ميه ميه  
الكل علشانہ بقى مسرور  
قلت بصوتي بهمة قوية  
دكتورنا ما عنده أي غرور  
يحيا الطب وذوق الطب  
ويحيا معاه الدكتور منصور

## الى بيجرى

ما أحكي وأقول لكل أخواتي  
على اللى بيجرى لى فى حياتي  
واللى بشوفه ليلتي يوماتي  
ويخللى العقل يطير  
تروح تقضى الأحوال  
وفى ايدك عرض حال  
يجيلك سى عبد العال  
يكتر لك المشاوير  
يقول الدمغة تجيبها  
ومعها تكبر مطالبها

وان جبت الدمغه يعيبه  
ويقول عايزه التغيير  
وتفضل رايج جاي  
مش عارف ليه واذاي  
ويقولك اطلب شاي  
ده انت راجل أمير  
ويقول لك تعالى بكره  
أوراقك متكون حاضره  
تروح يا عيني كام مره  
وبرضه تلاقى تأخير  
لومره شفت عطوه  
طاعن الراجل بمطوه  
مسنود وعنده سبطوه  
وكان الجرح كبير  
يطلبوا كشف حكيم  
يكون ممضى وسليم  
وجديد مش قديم  
وعليه ختم المدير

يروح المطعمون بدمه  
للمستشفى يهاهمه  
لامعاه أبوه ولا أمه  
ونزيف الجرح خطير  
وبعد طول العذاب  
يعطوه في أيده جواب  
بالحاله وبالأسباب  
ويروح للقسم يطير  
يلاقى عطوه الجاني  
غير الحق فثواني  
قال المطعمون أذاني  
في الذمة والتشهير  
على طول الحق يضيع  
والصيف يصبح ربيع  
والوحش يكون وديع  
والقفا ينبت مناخير

## حقد القلوب

أنا وأخويا على ابن عمي  
وأنا وابن عمي على الغريب  
مثل سمعته من أبويا وأمي  
من صغرسني يا كل حبيب  
أماكبرت نشفت إيديا  
نسيت ده كله بقيت عويل  
أشوف أخويا مبسوط شويه  
أحقده عليه نهار وليل

أقول لنفسي أخويا ظالم  
الخير ده كل يجيله ليه  
الرقص عندي على السلالم  
الفقر نفسي يقاسمني فيه  
لما الاقي واحد يزمه  
أقول له فعلا ظنك أكيد  
وهو عايز واحد يلمه  
يتربى حتما من جديد  
أنا والشيطان ندخل ما بينهم  
نخللي بينهم دخان ونار  
أبعد بعيد ولا أقرب منهم  
رغم أنني معاه ف الدار

حتى المسافه بعيده جدا  
أصل اللي بيبي وبينه حيط  
ولا نبساطه أنا قلبي يحزن  
كل شويه أنا أشد خيط  
الناس يوماتي عشاننا تعضر  
تصلح ما بيننا بضمير سليم  
الحقد عندي يوماتي يكبر  
القلب خلاص أصبح لنيم  
أما ابن عمي حكايته مره  
حكاية غابره منه با أغير  
دايم يا عم مسافرلى بره  
يرجع وجايب فلوس كتير

ورغم أنه يجيب هدايا  
يوزع علينا وما ينسانيش  
فى كل أزمة يقف معايا  
وقفه رجولة ما تتنسيش

ورغم خيره زايد وفايض  
ع العيلة حتى وع الجيران  
أنا للشر أمسك مقابض  
وللشيطان أفتح بيبان

أزق جارنا فى ساعه حلوه  
أقول له ابن عمي عليكوا قال  
على طول ياخويا تخده المروة  
عل ابن عمى يروح فى الحال



بكلمه من ده وكلمه من ده  
تتفتح سكة جناية  
فى الصلح بينهم أعمل معامده  
ويوماتي أكرر نفس الحكايه  
بدون ما تسأل سبب ده ايه  
اعرف بأنه حقد القلوب  
الكل فينا عميت عنيه  
والحالة صبحت بالمقلوب  
عاد كل واحد يهمله نفسه  
مش مهم ازاي وليه  
دايما يغير جلدده ولبسه  
الماضى كله يصيح ناسيه

إنسى كلام أبويآ وأمي

ده كل وقت وله أدان

لا تقول أخويآ ولا ابن عمي

وقول يا نفسى فى ده الزمان

## فنان شاطر

قالوا الأول قبل الثاني  
قلت صغير بعده كبير  
أنتم حبايبي مع خلاني  
أهلا مرحبا ومسا الخير

أنا محسوبكم البابا شاروا  
شاطر والله وطابعي فريد  
تشوفوا الفن يا ناس تحتاروا  
لأنه بسرعة وخفة ايد

ادي ولا عنة أولع بيهـ  
ورقه هـ تفضل فى الصندوق  
بعد شوية راح أخليهـ  
حمامة وارنب خفة وذوق

قدرة معايا بدون أرضية  
أناراح أشيلها م الودنين  
وهـ أعبيهـ تمام بالميه  
ويسرعة فى غمضة عين

عايز انت تكون فى الصورة  
فنجل لى عينيك فتحها  
هـ أجمع قدامك كام كورة  
بش طارتك اعرف مطرحها

حتة قطن أنا هـ أبلعها  
وهـ أطلعها كبشة خيط  
تقول سحر راح أقطعها  
وأقول لا مؤخدة انت عبيط

شوفوا معاي يا يللى ناس  
لعبت جميلتة عليها القيمة  
قد امكم هـ أكل أمواس  
وأطلعها ثاني سليمة

أما تشوفوا الألعاب ديه  
اوعوا تقولوا ان أنا ساحر  
دي خفة وسرعة فى ايديه  
تشهد أني فنان شاطر

## أبو طاقية

أما تعبت من الأحزان  
شلت همومي عزمت أسافر  
أتمردت على الحرمان  
قلبت أحاول لازم أعافر

قلمي معايا يكون الزاد  
والزودة تكوون أوراقى  
يمكن ألف بلاد وبلاد  
لأجل أعيش عمرى الباقي

اتمطيت على ظهر حصان  
من أفكاري بدأت الرحلة  
جوه الصحراء لقيت بستان  
قلت ارتاح بجوار النخلة  
لحظة في لحظة اتلمت صحبة  
م الفرسان مسكوا ايديا  
قالوا تعالى نبقى أحبه  
عملوا دايمة بقوا حوالينا  
لقيت على مني بيرمح  
راح لبعيد يجيب أفكار  
منهم واحد قال لو تسمح  
وبدا بيبي وبينه حوار  
ملاحه توحى أنه فارس  
شأنه كبير بين الفرسان  
ما فيش غيره أي منافس  
ماهرزيه في أي ميدان

قلت يا فارس قوللى شويه  
عايز أتعرف والله عليك  
لأن كلامك لله جاذبيه  
خللى قلبى اتعلق بيبك

قال لى اقرألى ثلاث دواوين  
وتحت الطبع ديوانى الرابع  
راح تعرفنى أنا أبقى مين  
وأبقى اسمع أخبارى وتابع  
قلت عرفتك يا أبو طاقية  
أنت عمى فاوى الشريف  
سيرتك لفت كل الدنيا  
كلامك كله جميل ولطيف

فجأة لقيت دراعاته جناح  
رفرف بيها فى السما فوق  
قلت استنى قال ارتاح  
كفاية خلاص خدنى الشوق



فات الصّحبة وفاته حصانه  
فات الدنيا فجأة صحيت  
وكتبت كلامي علشانه  
انا لفراقه بحسرة بكي  
قلت يا شوق الحسبة كيرة  
زي النهار كله عطاء  
سيرته هـ تفضل أجمل سيرة  
بين الناس وبين الشعراء

كان انسان بمعني الكلمة  
كله حنان وقلبه عطوف  
كل كلامه يقوله بحكمة  
وقلت الجدم ما يعرف خوف

وقلت الشدة القاه جنبى  
مادد إيده ياخذ ايدي  
ساكن والله جوو فى قلبى  
بيزيد حبه جوو وريدي

غاب بجسمه من وسطنا  
لكن أعماله به تفكرنا  
هـ يفضـل غالى واللـه علينا  
على فراقه المولى يصبرنا

كان عايش بضمير ويزمته  
بالشـهامة قضى حـياته  
ادعو المولى يغمدـه بالرحمة  
ويسكنه فى فسيح جناته

## سيف الحق

ياضى عيني يا بلدي	وكل أهلى وناسى
يا فل وورد بلدي	يا قلمي مع كراسى
انت أغلى ما عندي	بشعورى وبأحاسسى

يزيد والله اشتياقى	أشوفك يا غالية درة
المكن ويا السواقى	دايرين بايدينا الحرة
النيل يروى الشراقى	وتخضرفيك الصحرا

ليلا تي انام وأصحي	على حلم مش كابوس
أرضى بالود طارحه	لافيها دوس ولا سوس
تضم بشوق وفرحه	لترابها أحضن وأبوس
بعد غربة سنين	أملى إنني أرتاح
أشوف ناس طيبين	والحضن القاه براح
وما القاش ابداروتين	يعطّل أي نجاح
دايما بعلم كثير	في جبهة وكمان بقاتيل
عندي حماس كبير	ويسيق الحق أناضل
الصعب يصيح يسير	لطريق الخير هأواصل
هأرفض أمضى وأختم	أو حتى أعيش حزين
مش بسهولة اسلم	لعداء قاسى ولعين
عمري ما ابقى مجرم	أما أقتل الروتين

## دولة

يا دولة فيكي حويتي	فلول من الإرهاب
وبباع طويل مديتي	تفتحي للشر أبواب
بالغالى كثير ضحيتي	وطريقك كله سراب
وأنت مهمما قويتي	سهلة لأي عقاب

بترمي فينا الخوف	وشهرتي لنا أنيابك
أهداك مالها وقوف	وبتتنطط على بابك
جنودك صبحوا الوف	وبيتحدوا فى أحبابك

والحق معاكى ملهوف  
والأمر معاكى مكشوف  
مقتول مدفون فى ترابك  
وعرفنا خلاص إرهابك

الحقد فىكى وفير  
عائشه على التدمير  
والعالم ببقى أسير  
ده فعل خسيس وحقير  
واعمى مالهش عيون  
فاكراه طريق مضمون  
وتغرقينه فى ديون  
ويغضب رب الكون  
خللى فى قلبك خير  
وحمامة وغصن زتون

## مقتطفات وأحلام

لامتي أعيش رجال      وفين هـ يكون السكن  
قاسيت سنين تجوال      ولا يوم شكيت الزمن  
هـ أصبر على صبرى  
حتى زوال عمرى  
يمكن يروق البال      وتزول كل المحن

يا عم أحس ومينا      هاتوا معاكم آمون  
تعالوا عيشوا وسطينا      معانا شوفوا الجنون  
تلاقوا البرد فى الحر  
والبحر من غير بر  
وه تلاقوا نسبة سكوتنا      بتفوق كل سكون  
با أحلم بنسمة هوى      وبكلمة تكون مفهومه  
والصبر ألقاه دوا      والصحبة بقى ملمومة  
ما القاش ابدأ حرامي  
والكسلانين قدامي  
ونجمع إيدينا سوي      ونضمها لايد الحكومة  
الناس فى كل جامع      التهليل معاه تكبير  
بنفسى شايف وسامع      لحياتنا جه تغيير  
قلت انزال وأهني  
وكم ان أرقص وأغني  
زادت على المواجه      وما مقمتش م السرير



بتمر الأيام على      وكانني مش موجود  
لاحد حاسس بي      ولا الزمان بيعود  
امتى يطيب الجرح  
وبعيني أشوف الفرح  
والدنيا تضحك لي      واحقق المقصود

## الفرق كبير

يا غاوي للفن تعالا  
أنا أدلك لطريقه  
ما فيش حاجه محاله  
كل شئ له طريقه  
يا غاوي الفن تعالا  
شوف معايا الكلمات  
واللحن كمان والتوزيع  
وشوف كمان المقامات  
مع الأداء بـذوق رفيع  
يا غاوي الفن تعالا

موش كل كلمة تكتبها  
تقول عليها موزونه  
ولا كل نغمه تحسها  
وتقول عليها مضمونه  
يا غاوي الفن تعالا  
شوف الفن زمان كان ايه  
والنهارده اصبح ايه  
تلاقى الفرق يا عم البيه  
اسأل نفسك بقى كده ايه  
يا غاوي الفن تعالا  
كان زمان الفن له معني  
بالنغمات الحلوة جمعنا  
النهارده من غير معني  
ياما قولنا وياما سمعنا  
يا غاوي الفن تعالا

ما كانش فيه فيديو كليب  
كل شئ كان له ترتيب  
كان الفن يخاف العيب  
دلوقت أصبح يانصيب  
يا غاوي الفن تعالا

ما كانش يقول (دي دي)  
ولا يقول لولو  
الكلام ده مش من عندي  
الكلام ده الناس بيقلوه  
يا غاوي الفن تعالا

أهم الفن وأهل الفن  
أه من فن زمان واليوم  
عايزين فن بمعني الفن  
حاجه تعيش يا ناس وتدوم  
يا غاوي الفن تعالا

فن زمان دایما فاکرینه  
علشان هادف له مضمون  
أم فن الیوم ناسینه  
لأن لا له معنی ولا لون  
یا غاوی الفن تعالا

کان مؤدی زمان فنان  
عاقل جدا غالی علینا  
أما النهارده حاجه جنان  
أیه کابوریا وأیه ماکرینا  
یا غاوی الفن تعالا

اسمع معایا وشوف بعینک  
شوف إزای الفرق کبیر  
واحکم حکم کمان یرضیک  
واللی یوجه خط السیر  
یا غاوی الفن تعالا

## ضحك على الدقون

يا عالم يا ناس يا هوه  
يا سكان وطني وبلادي  
غلبان عقلى انصفوه  
من زوجتي ومن ولادي  
خلوني يا ناس باتوه  
نسوني تاريخ ميلادي  
أقول لمراتي عيب  
اتلمي ياست شوويه  
ليه منفضالى الجيب  
سيبي ذكرى مالميه

شغلها كله الاعيب  
وحياتي معاهما قضيه

ويا ناس بنتي الكبيرة  
خلتني أعيش في نار  
طلباتها يا ناس كثيره  
بدون أي استفسار  
أهـا في نظرها أميره  
وانا في نظرها (.....)

لوجيت في يوم أعوذها  
وأطلب حاجه منها  
ألاقيها تمد بوذها  
وتسـيـبها لى أكملها  
أهـا تفرد نفوذها  
ماهي اللي بتعلمها

ويا ناس شوفوا ابني  
وقساوته ياناس على  
دايما ياناس تاعيني  
مشمت عواذلى فى  
ماfish يوم يطيعني  
ومصاريفه تكفى فيه  
يوماتي يجيب شراب  
أو جزمة أو بنطلون  
وكم ان بيشرب هباب  
فى حماية أمه المصون  
حياتي عذاب فى عذاب  
وضحك على الدقون



## أجمل هبه

موش كليوبترا ولا نفرتيتى  
فوق الوصف كثير فى جمالها  
لأجل عيونها اكتب أبياتي  
يمكن أقدر أصور حالها  
قنديل قايد جوه الحاره  
جوه البحرزى فنار  
أصل العفتة بكل طهاره  
بدر الليل وشمس نهار

رقه وذوق وأدب وكمال  
وأبتسامتها كلها حشمة  
عسل صافي ولا الشلال  
كل كلامها موزون وبحكمة

خطوتها يا ناس ثابتة أكيدة  
مش محتاجه كلام للغنوة  
حقيقى والله حالة فريده  
حاسبه حساب كل خطوه

قلت لنفسى الله يحميها  
واتمنى تشاركني حياتي  
لأن قلبى أتعلق بيها  
معاها، انسى كل أهاتي

معاها الصحرا تكون بستان  
وبدون ريش القلب يطير

لأن عيونها عيون غزلان  
حاجه تخلصى القلب أسير  
أجمل هبة ربى وهبها لى  
بأدعى أنه يبارك فيها  
وتكون بدر فى سمايا يلالى  
وتكون الغنوة اللى أغنيها

فهرست
إهداء / ٣
تقديم / ٥
عتاب / ١٠
صحى ضميرك / ١٢
ألف خسارة / ١٥
عيد الشرطة / ١٨
إصلاح وتهذيب / ٢٠
يوم الهجرة / ٢٣
مصلحة حكومية / ٢٧
تحولات / ٣٠
أجمل شموع / ٣٢
توشكي تنادي / ٣٥
ضياء / ٣٨
اللى بييجرى / ٤٢
حقد القلوب / ٤٥
فنان شار / ٥١
أبو طاقية / ٥٤
سيف الحق / ٥٩
دولة / ٦١
مقتطفات وأحلام / ٦٣
الفرق كبير / ٦٦
ضحك على الدقون / ٧٠
أجمل هبه / ٧٣